



UNIVERSITÄTS-  
BIBLIOTHEK  
PADERBORN

**Antonii Mvsae Brasavoli Medici Ferrariensis Examen  
omnium Trochiscorum Vnguentorum, Ceratorum,  
Emplastrorum, Cataplasmatumque, & Collyriorum**

**Brasavola, Antonio Musa**

**Venetiis, MDLI**

Vnguentum de Cornu cerui XIX

---

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)



uariatur intentio. SE. Et quanam est huius unguenti intentio? BRAS. Illa quam ipsius nomen indicat. cum materia aliqua prohibenda est ne in aliquem defluat locum, supra illum locum hoc unguento delinitur ad illam materiam repellendam, atq; repectiendam. adde adhiberi etiam ad partes adstringendas, ne huius generis materia in locum aliquem laesum decurrat. SE. A te scire optarem quodnam defensuum unguentum pro alijs seruandum iuberet. BRAS. Nullū prorsus, sed optarem potius, ut hi pulueres seruarentur ita cōmixti.

Recipe Boli armeni

Terræ sigillatæ

Sang. draconis, Acatie

Corallorum alborum

Scoriæ ferri

Sing. unc. I.

Misce, et fiat puluis subtilissimus: postea medicus qui defensiuo uocato uti uoluerit, statim ouorum albumine, aceto, et oleo rosaceo omphacino misceri iubeat, idq; fiat in aegri domo: At si tu confectū seruare uolueris, his pulueribus olei ros. omphacini lib. unam & sem. aceti unc. III. commisceto, et in plumbeo mortario probè agitato, postea cum eo uti uoluerit medicus, oui albumen addat, uel absq; albumine utatur. SE. Deinceps ut admonuisti seruabo. BRAS. Et ego sciam quod nam sim indicaturus cum unguētum defensiuum uocatū indixero.

S E N E X.

XIX.

Unguentum de Cornu cerui sequitur. BRAS. Arbitror te non esse inuēturū hoc unguentum in aliqua Italiae urbe, præterquā Ferrariæ. SE. Et forte nec Ferruriae



rariae praeterquam in meo pharmacopolio. BRAS. Immo et in altero est pharmacopolio à tuo, sed arbitror neque te, neque alterum illum pharmacopolam illud esse ueriditum. SE. Ob quam rem? BRAS. Quia à nullo authore scriptum est, sed fuit medicus quidam, qui illud parari iussit, postea obiit. SE. Qui nam fuit? BRAS. Sororius meus Excellentiss. Eleonorus Sansseuerinus. SE. Memini illum me fuisse excellentiss. uirum, qui compositionem hanc me conficere iussit, & nunquam uel scrupulum uendidi, nisi cum ipse pro suis indiceret aegrotis. BRAS. Postea quam unguentum hoc in medium adduxisti, in gratiam sororij mei compositionem etiam refero. SE. Haec est compositio.

Recipe olei ros. omphacini unc. IIII.

Myrtini unc. unam & sem.

Scoriae ferri praeparatae drachm. IIII.

Ossium dactylorum combustorum	} Sing. scrup. II.
Ossium myrobalanorum indorum combustorum	

Hypocistidis	} Singul. drach. III.
Acatiae	

Cornu cerui usti

Pulueris gypsi drachm. IIII.

Glutinis piscis dissoluti in aceto nigro drach. VI.

Cerae quantum sufficit.

Misce, & fiat unguentum secundum artem.

BRAS. Arbitror uirum illum & tibi, & alteri pharmacopola eandem compositionem praebuisse, tamen in pondere pharmacopola alter à tua differt compositio-

r iij ne,



ne, nam ille habet olei rosacei omphacini unc. III. & habet ofsium dactylorum combustorum, et mirobalanorum indorum combustorum Singulo. drachm. II. hinc tu contemplari debes, quomodo se habeant compositiones, quae per tot manus sint transcriptae, cum ex eodem libello receptiones sint diuersae. SE. Non ambigo unumquemque scriptorem, ex his praesertim qui ignari sunt, in transcribendis libris non mediocriter aberrare. BRASA. Propterea librorum impressio hoc boni habet, quod si semel sint probe impressi in eodem permanent statu. at his praetermissis ad alia te conferas.

SENE X.

XX.

Unguentum de Comitissa suam sedem post praedictum habet. BRAS. Potius dicendum est confusio de comitissa, quae & si illi forte contulerit comitissae, in cuius gratiam confecta fuit compositio, alijs tamen conferre non est opus, alijs inquam quibus supra modum menses profluunt. At quis est huius unguenti author? SE. Ad Gulielmum Varignanã refertur. BRAS. Verum dicis, nam de hoc agit capite uigesimo ubi de his tractat, quae à comuni natura mulierum mēstrua magis sistunt, ualet praeterea ad sistendum partum, & ad prohibendum ne foetus abortiatur, nam & author ille in comitissa ad hoc propositum unguento isto usus est, quae cum utero gereret mensium multitudine pressa fuit, immo et sanguis et aqua copiose exire coeperat, euasit tamen, & foetum in finem usque huius unguenti beneficio tulit. compositionem uero quam paras referto. SE. Haec est quae sequitur.

Recipe